



Ob's das Jahr e Pergolaschtamm git, weiss i nid, Allerdings hani öppis ghöre lütte. Löh mer is la überrasche. Mit däm Aalass cha me zwar irgendwann mal ufhöre, aber i ha dä eigentlech immer luschtig gfunde, o we mer mängisch fürchterlech gschwitz hei (bim Ursus u der Fides) oder o gfreore (bim Schmiss u der Edith). Es chunnt scho guet! ☺

Und will ig weiss, dass einigi uf Witze warte, hie si si. Thema: chli allerlei

Schtundelang luegt der Fritzli sim Vater zue, wie ner fischet. Plötzlech verlürt är d'Gedul u seit: „Papi, gloubsch jetz ändlech, dass Fischeschtäbli praktischer wäre?“

E Chef zum zuekünftige Lehrling bim Vorschtelligsgespräch: „Die Lehrschtell wär no frei. Lüt doch morn einisch a: fuf, drü, nün, sibe, elf.“ – „Elf? Uf mym Handy hets aber kes elf!“

„Wie heissisch Du?“ – „Fonja.“ – „Oh, das isch aber e schöne, sältene Name.“ – „Ef git befferi.“


Der Max hoket ir Schuel. Da seit d'Lehrere, „I schtelle jetz öich e Frag, die müesst er richtig beantworte. Wär die richtigi Antwort git, darf hei.“ Da schieisst der Max der Lehrere es Papierchügeli a. Die luegt ganz entsetzt: „Wär isch das gsi?“ Da seit der Max: „Ilg – u tschou zäme.“

Der Arzt fragt sy Tochter: „Hesch Du dim Fründ eigentlech gseit, dass i nüt von ihm halte?“ – „Ja.“ – „Und was het er gseit?“ – „Das sig ni dini erschti Fähldiagnose!“

Der Konduktör chunnt i ds Abteil u rüeft: „Bade!“ Da fragt der Fritzli ängschtlech: „Müessen alli?“

Wie merkt me, dass d'Chinder erwachse wärde? Ganz eifach: we si nümme frage wohär si chöme u nümme säge wohäre si göh.

Biilag: - keni, i ha no chli Gäld



**GESANGVERBINDUNG
TECHNIKUM
BURGDORF**

Chrischtmonet 2016
14. Jahrgang, Nr. 2
Uflag: öppe zwänzg

• AH - Schtamm Biel GVTB

Offiziells Mitteiligsbulletin
Erschynt 1 bis 2 mal pro Jahr

Villicht längt's no

Liebi GV-erinne u GV-er

Ja, villicht längt's, das Bulletin i däm Jahr no use ds bringe. Wüsset, wölle wet i scho, aber möge mani meischtens nümme. Emu mängisch hani e schampar herte Abzug, für überhaupt öppis adsfah. Aber jetz bin i drin u gloube es chunnt guet.

Üses Schtammprogramm louft in ere, über vili Jahr entstandene Struktur ab, wo schynbar niemer me wott ändere (i mym Chopf geischeret, trotzdem, immer no e Fondueschtamm ume) aber das lö mer haut eifah e so sy.

Ds Su-Mi-Wa isch für mi immer e tolle Aalass, o we mer nid chöi dusse ässe. Der Pergolaschtamm bi Obmes isch normal, eifach gsi, u het gloubeni de meischte passt und so söu's o sy.

Der Kulturaalass i der Chloschterchilche ds Muri isch für mi irgendwie geischtig e höchi Aaforderig gsi, aber het nid bi so vielne Aaklang gfunde. Vermuetlech wird die Idee wieder begrabe.

Obme : Ueli Mathys v/o TEVYA, Schulstrasse 11, 2572 Sutz
Tel. P: 032 397 20 77; e-mail: u.ma@bluewin.ch

Schtammlokal: Rest. Waldschenke, Verena und Henri Scheibli
St. Niklaus b. Merzligen, 2564 Bellmund
Tel. 032 381 12 17

Schtamm 2. Mittwuch im Monet, vom viertel ab Achti a

Singe z'Burdlef: 4. Zischtig im Monet, aschl. Schtamm nach Aasag

AH-Verband: www.gvtb.ch



„Schöns Bärndütsch“ vom Rudolf von Tavel.

Es isch für Fahrglägeheit gsorget gsi. E Buur het ga Wimmis um ne Erlebachermären us welle. Und wenn ds Wägeli o ghotzlet het, dass dene beidne Manne d'Konture vo der Lanschaft i den Ouge geng drü- vierfach erschine sy, so het das ihre Luun nid hert möge schädige. Ds sältmal het me d'Fädere no i Fleisch und Rügg-Grat gha, statt uf den Achse.
(Der Stärn vo Buebebärg)

Zum 70igschte Geburi ha ni der Silvia Stämpfli es paar Tag schpäter mit emen Meye gratuliert u sie het de mit emene schöne Chärtli schpäter o danket. Sie gniesst ds Läbe, aber we me mit ere redt, merkt me scho, dass sie mit gwüsse Bräschte muess uuscho.

Ds AH-Chegle im Gottstatterhuus hani als grosse Erfolg empfunde, d'Beteiligung mit 37 GVer u GVerinne isch scho ussergewöhnlech gsi, dass i Sieger worde bi o u dass mer no e ‚Reingwinn‘ hei chönne realisiere, isch der Marianne Römer ds verdanke, wo nis d'Gebühr für d'Chegelbahn erlah het.

De sy o scho ds feine Wildässe u verschiedeneni Wiehnachtsfiire Gschicht. A der Waudwiehnacht hei d'Chinder feschtgschtellt, dass der Chlous us ere ganz andere Richtig chunnt, als erwartet (u dä kennt de o no zwe anderi Schliichwäge).


I der nächscte Zyt

Wie immer im Januar u Februar isch Treberwurschtzyt. Bim Schtamm Biel han i scho Platzproblem, d Bärner hei no gar nid gmerkt, dass sie sech sötte aamälde. He nu, o das wird sech ergä.

Am erschte April isch Couleurball ds Thun im Freiehof (ke Aprilscherz) u de chunnt de scho gli d'liladig vom Stamm für ds Schparglenässe (da bin i sicher). Vorhär isch de ds Ersige no ds AH-Schiesse. Müglicherwys preicheni de denn besser als ds letschte Mal ds Thun.

Im Juni si d'Jahresversammlige ds Burgdorf, wo's um ne Umschstrukturierig vo üsere Organisation geit. Dir chöit de drüber läse i de nächscte AH-Nachrichte. D'Idee isch, der AH-Verband u d'Eigeheim-Gnosseschaft zämezschlusse u so vieles ds vereifache.

Über ds Su-Mi-Wa u der Pergola-Schtamm rede mer schpäter.



Üsere liebe Nina, wo sech immer so guet organisiert het u fasch immer under üs isch gsi, isch d'Chraft zum Läbe leider uusgange und sie het üs für immer verlah. Mir si truurig. Ob der Timo a d'Treberwurscht cha cho isch no nid sicher, aber sicher tüe mer de no chli a d'Nina und der Tambo danke. - Und es guets Nöis!
Sutz, 26.12.2016

TEVYA

Die nächscte Aaläss im 2017

- Mi 11.01. ♥ **Schtamm** i der Waldschänki
- Sa 21.01. ♥♥ **Treberwurscht ds Schernelz** für d'Bärner
Infos vom u aamälde bim Obme bis am 16.1.2017
- Mi 08.02. ♥ **Schtamm** i der Waldschänki
- Sa 11.02. ♥♥ **Treberwurscht ds Schernelz** für d'Bieler
Infos vom u aamälde bim Obme bis am 6.2.2017
- Mi 08.03. ♥ **Schtamm** i der Waldschänki
- Sa 01.04. ♥♥ **Couleurball ds Thun** im Freiehof
Infos u Aamälde gemäss AH-Nachrichte
- Mi 12.04. ♥ **Schtamm** i der Waldschänki
- Sa 29.04. ♥ **AH-Schiesse ds Ersige** bim Schtamm Burgdorf
Infos u Aamälde gemäss AH-Nachrichte
- Mi 10.05. ♥ **Schtamm** i der Waldschänki
Obmes sy denn ds Portugal i de Ferie
- O im Meie ♥♥ **Schparglenässe** ds Cherzers
Infos vom u Aamälde bim Stamm
- Sa 10.06. **Jahresversammlige ds Burdlef**
GVer trage d'Farbe
- Mi 14.06. ♥ **Schtamm** i der Waldschänki
- Sa 17.06. ♥ **Sängertag** ds Sumiswald
Infos i de AH-Nachrichte

Vorschou: I verzichte hie uf d'Vorschou u wirde mi bemüehe, s'nümm sowiit la cho, dass der ds wiitere Programm müesst im Chlydruckte sueche..

♥♥ = mit Partnerin/Partner

♥ = Partnerin/Partner dörfe o cho